

## ԱՒՐԲԵՋԱՆ

# ԳՆԱՀԱՏԱԿԱՆ ՎՐԱՍՏԱՆԻ ՀԵՏ ՊԱՅՄԱՆԱԳՐԻՆ

«Ինտերֆախ» գործակալուրիւնը հաղորդում է, որ Բախում, բրիֆինգի ժամանակ, Ադրբեջանի նախագահի մամուլի ծառայութեան ղեկավար Օսման Միրզոյեւը բարձր է գնահատել վերջերս Թիֆլիսում կայացած Այազ Մուրալիբովի եւ Վրաստանի նախագահ Զվիադ Գամսախուրդիայի հանդիպման արդիւնքները:

Ինչպէս նշել է Օ. Միրզոյեւը, այն «անգնահատելի նշանակութիւն կ'ունենայ երկու կողմերի համար»: Երկու հանրապետութիւնների փոխյարաբերութիւններում, առաջին անգամ ստորագրուել է բաղաձայն փաստաթուղթ, առանց կենտրոնի մասնակցութեան: Փաստաթուղթ, որը հրդաչակում է համամարդկային արժէքների գերակայութիւնը, ցոյց է տալիս երկու կողմերի վճռականութիւնը յարաբերութիւնները կառուցել միջազգային իրաւունքի հիման վրայ:

-Ադրբեջանը եւ Վրաստանը փոխադարձաբար նանաչել են միմիանց պետական ինքնիշխանութիւնը, տարածաբան ամբողջականութիւնը, մէկը միւսի ներքին գործերին չխառնուելու սկզբունքը, - ընդգծել է հանրապետութեան նախագահի մամուլի ծառայութեան պետը:

## ՄՈՒԹԱԼԻԲՈՎՆ ԱՌԱՋԱՐԿՈՒՄ Է

«Ինտերֆաքս»-ի հաղորդման համաձայն, Ադրբեջանի նախագահ Ա. Մուրալիբովը ԼՂԻՄում եւ Ադրբեջանի Շահումեանի (Գերամբոյի) շրջանում բնակիչների փոխյարաբերութիւնները կարգաւորելու համար առաջարկել է ըստեղծել ազգամիջեան հաշտարար յանձնաժողովներ:

Լեռնային Ղարաբաղի եւ Շահումեանի (Գերամբոյի) շրջանի բնակիչներին ուղղուած նամակներում, որ հրապարակուել է ադրբեջանական հեռուստատեսութեամբ, Ա. Մուրալիբովը զգուշացրել է, որ եթէ տարածքաշրջանում կրկին յայտնուեն մարդիկ, որոնք կը փորձեն յարաբերութիւններ սրել ճանապարհների շրջափակմամբ, գիւղերի վրայ յարձակումներով, հրդեհումներով ու սպանութիւններով, ազգամիջեան թշնամանքի հրահրմամբ, ապա նրանց նկատմամբ ամենայն խստութեամբ կը գործադրուեն Ադրբեջանի օրէնքները:

## ԱՅՑԵԼԵԼՈՒ Է ԻՍՐԱՅԷԼ

Ադրբեջանի ներքին գործոց նախարարութեան ոչ պաշտօնական տեղեկատուութեան համաձայն, Այազ Մուրալիբովը առաջիկայում այցելելու է Իսրայէլ, որտեղ ենթադրուում է, որ երկու կողմերի միջեւ ստորագրուի մի համաձայնագիր՝ Բախում իսրայէլական զլխատր հիւպատոսութիւն, իսկ երուսաղէմում Ադրբեջանի ներկայացուցչութիւն հաստատելու մասին: